

بِسْمِ اللَّهِ الرَّحْمَنِ الرَّحِيمِ

بِسْمِ اللَّهِ الرَّحْمَنِ الرَّحِيمِ

نوٹھیلا

زُھْرَةُ خُلْفِ  
قَمِيصِي

قَلْبِي

ماذا لو أن من دق له قلبي هو قاتلي  
الحقيقي .. !

زهرة خلف قضبان قلبي

نوفيلاً

بسنت محمد

(١)

بداخل غرفة مغلقة كانت تجلس على الارض ضامة ركبتيها لصدرها تحاوطها بيديها وتستند بظهرها على الحائط ، تنظر للسقف فى سكون تام ، تخلو الغرفة من اى صوت عدا صوت عقارب الساعة التى تتحرك بانتظام .

وقفت ببطئ وتحركت لتقف امام المرآه ، نظرت لتفاصيل وجهها الشاحب ثم مدت يدها لتتناول علبة الدواء التى افرغت حباته جميعا بداخل كف يدها ثم القت بالعلبة باهمال ، اخذت تنظر للدواء بيدها وهى تذرف الدموع ، أغمضت عينها بقوة ثم حركت يدها ببطئ باتجاه فمها تنتوي ابتلاعه كله كانت يدها ترتعش ولكنها استمرت فما هى إلا دقائق وتنتهى حياتها ويتهى معاها كل ذاك الألم والعذاب .

ولكن فجأه تجد من يدفع يدها بسرعة لتقع منها حبوب الدواء وتتناثر جميعها على الارضية وتسمع صوتها تقول

" كارما بتعملى ايه ! انتى فكرتى فى الانتحار تانى ! "

تركت لدموعها العنان وتحركت بصمت لتجلس على الفراش وتضم ركبتيها كما كانت وتبكي بشده فتقترب منها وتقول

" انتى قطعتى شوط كبير جدا فى العلاج واتحسنتى ليه بترجعى نفسك لنقطة الصفر من الاول ،

انسى بقى يا كارما وعيشي حياتك حرام عليكى صحتك ونفسك "

لم تعقب على كلامها وفضلت الصمت فتابعت

" انا هروح اكلم الدكتور واحدد معاه معاد "

نظرت لها وكأنها تترجاها أن لا تفعل فقالت بحزم

" هتروحي للدكتور ولا ارجعك المستشفى "

ارخت عضلات وجهها دلالة على موافقتها رغما عنها ولكن زيارة الطبيب النفسى افضل لها من الرجوع لذلك المشفى الكئيب الذى يمرضها أكثر من أنه يعالجها ..

جمعت حبوب الدواء من على الارض وتخلصت منها ثم تأكدت من خلو الغرفة من اى علبة دواء اخرى ثم خرجت لتهااتف الطبيب .

" دكتور عرفة ازى حضرتك معلىش از عجتك "

رد عليها الطبيب عبر الهاتف قائلا

" نرجس اهلا بيكى ، لا مفيش اى از عاج طمىنى كارما اخبارها ايه "

ردت عليها نرجس قائلة بقلق

" كارما حاولت تنتحر انهارده يا دكتور انا خايفة عليها اوى "

" قوليلى اخر مرة حاولت فيها كانت امتى "

حاولت نرجس التذكر وقالت

" من حوالى ٣ شهور تقريبا "

" تمام شرفونى بكرة فى العياده ومتقلقيش عليها "

ابتسمت قائلة " شكرا ليك يا دكتور .."

\*\*\*

" الذكريات ! ، الذكريات صعبة اوى يا دكتور "

قالتها كارما وهى جالسه امام الطبيب عرفة بوجه شارد خالى من اى تعبير  
خلع نظارته الطبية ووضعها على المكتب امامه ثم قال  
" وانتي حققتى تقدم كبير وقدرتى تتناسى ، ليه عايضة تحطى نفسك فى الذكريات من تانى "

" هى اللى محوطانى من كل اتجاه خنقانى اوى يا دكتور "

قام من مكانه ولف حول مكتبه ليقف بمقابلها وهو يقول  
" يبقى نسيبها "

نظرت له وهى عاقده حاجبها فتابع  
" أمشي يا كارما سيبي البيت اللى انتى عايضة فيه ، عشان كل دقيقة بتمر عليكى وانتي فيه  
هتفضلى شايفة فيه الماضى "

قالت بحده " مقدرش ، مقدرش اسبيهم وامشي "

رد عليها بهدوء " بس هما سابوكى ومشبوا يا كارما ميقاش ليهم وجود "

صمنت وهى تبكى وكأنها تستوعب تلك الصدمة من جديد ، جلس عرفة امامها وقال بهدوء  
" طب ايه رأيك نتفق اتفاق "

انتبهت له وصوبت نظرها نحوه ، فقال  
" تبعدى فترة ، فترة محدده نقول مثلا ٦ شهور وترجعى تانى وتشوفى ساعتها انتى زى ما انتى  
ولا حصل تغيير "

استرعى اتفاقه اهتمامها واخذت تفكر فيه ولاحظ عرفة ذلك ففرح انه حاول الوصول لنقطة معينه  
وهى جعل الوقت يمضى اثار الصدمة من داخلها .

" هسيبك تفكرى لحد بكرة وتردى عليا خدى وقتك ، وانا هبلغ نرجس بالاتفاق ده برضو .."

مع غروب الشمس اغلقت كارما ذلك الستار واتجهت لفراسها لتجلس عليه تفكر فيما قاله الطبيب  
لها صباح اليوم ، وقع نظرها على تلك الدمية الموضوعه على الكومود بجانبها فأمسكتها واخذت  
تنظر لها وتمسح عليها بيدها بحنان ودموعها تسقط بغزارة ، وجال بذاكرتها ومضات من الماضى

منذ عامين ..

دق جرس الباب وهى تضع اخر طبق على المائدة ، فاسرعت تفتحه بسعاده وتعانق الطارق قائلة  
" حبيبى حمدلله على السلامه "

بادلها العناق قائلا  
" وحشتينى اوى "

" وانت كمان "

وضع اصبعه على فمه وهو يخفض صوته ويقول  
" شششش حلا صاحية ولا نايمة "

قالت بابتسامه واسعة

" لا متقلش نايمة ، وانا خلصت الغدا وكمان عملتلها تورتة عيد ميلادها "

رفع العلبه التى بيدها ثم أخرجها من الحقيبة ليظهر بداخلها دمية جميلة ذات شعر وردى ويقول

" انا جبتلها العروسة اللي كانت عيزاها "   
 قالت بسعاده " الله دى هتطير من الفرحة " ...

عادت كارما للواقع وهى تحتضن تلك الدمية وتبكي بشدة قائلة   
 " وحشتينى اوى يا حلا وحشتينى يا بنتى اااه قلبى اتكسر من بعدكوا "   
 دقت نرجس على الباب ثم دخلت وهى تحمل صينية موضوع عليها الطعام ووضعتها امام كارما ،   
 وقع نظرها على الدمية بيد كارما فتنهدت بحزن عليها ثم سحبتها من يدها بدوء ووضعتها على   
 الكومود ثم جلست امامها وهى تقول   
 " متكلمتيش خالص من ساعة ما خرجتى من عند الدكتور ، مش حاسه بتحسن "

ردت كارما " عمل معايا اتفاق "   
 رفعت نرجس الملعقة لتطعم كارما التى رفضت تناول الطعام فقالت نرجس   
 " عشان خاطرى كلى حاجه انتى مأكلتيش من الصبح "   
 ردت عليها بجمود " قالى انه هيقولك على الاتفاق "   
 تنهدت نرجس ووضعت الملعقة فى الصينية مرة اخرى وقالت   
 " قالى "

" وانتى شايفة ايه "   
 ابتمت نرجس بهدوء فلأول مرة تتناقش معاها كارما وتأخذ رأيها فقد كانت لاتستمع لاحد وتفعل   
 ما تمليه عليها نفسها فقط   
 " انا شايفة نجرب مش هنخسر حاجه ، وانا معاكى فى اى حاجه "   
 رفعت حاجبيها بدهشة قائلة   
 " نجرب ! انتى هتيجى معايا "

قالت بابتسامه   
 " طبعا مش صاحبتى واختى وبعدين انا مليش حد هنا غير اختى وجوزها اللي كنت عايشة   
 معاهم وانتى عارفة عيشتى معاهم كانت عاملة ازاي الحمد لله انى سبتهم وجيت اعيش معاكى   
 من سنه ونص "

صمتت كارما وظلت تنظر للفراغ امامها وكأنها تفكر فى اتفاق الطبيب وفى كلام نرجس .   
 لاحظت نرجس شرودها فأحبت تركها بمفردها لتفكر براحه ولكن اوقفها صوت كارما وهى   
 متوجهه نحو الباب قائلة   
 " أنا موافقه "

تهللت اسارير نرجس والتفت لها قائلة   
 " موافقة على ايه "

" هنمشي من هنا بس مش هنروح منطقة تانيه "   
 تعجبت نرجس قائلة

" أمال هنعمل ايه "   
 " هنروح محافظه تانية عشان اضمن انى مرجعش البيت هنا بسهولة "

قالت نرجس بحماس  
" وانا معاكى ، بس هنروح فين ؟"  
ردت عليها كارما وهى تنظر لدمية ابنتها  
" الغردقة ..."

(٢)

وضعت أحر متعلقاتها الشخصية فى حقبة السفر الكبيرة ، تنهدت وهى تنظر جانبها لتلك الدمية الموضوعة على الكومود لتقترب وتلتقطها ، اخذت تنظر لها بحنين والدموع تتلألأ فى عينيها قالت وهى تمسح على رأسها

" عمرى ما هنساكى يا حلا انا بس محتاجه اكون احسن يا حبيبتى ، هتفضلى طول عمرك جوا قلبى "

ثم عانقت الدمية بشدة ووضعها مكانها مرة اخرى طرقت نرجس على الباب برفق ثم دخلت وهى تقول بحماس " ها جهزتى ولا لسه "

مسحت كارما الدمعه التى فرت من عينيها وقالت " اه خلاص ، نرجس انتى متأكده انك هتسيبى شغلك هنا وهتيجى معايا " قالت بسعادة

" يعنى هى المطاعم خلصت انا شيف قد الدنيا والى مطعم يتمنانى ، وبعدين انا كنت جاية اكلمك فى الموضوع ده " ردت كارما باستغراب " موضوع ايه "

" بصى يا ستى انا كلمت وائل ابن خالتى هو عايش فى الغردقة وبيشتغل هناك وجابلى شغل فى مطعم كبير هناك وكمان ظبطلنا شقه ايجارها كويس نعيش فيها " ابتسمت كارما قائلة " انا مش عارفة اشكرك ازاي على اللى بتعمله معايا ده "

قالت نرجس بمزاح " لا نبقى نشوف حكاية الشكر دى بعدين يلا عشان متاخرش على الباص ..."

انطلقت تلك الحافلة الكبيرة لوجهتها (الغردقة)

جلست كما تنظر من النافذة نحو الطريق ، فهى لم تكن تخرج من منزلها منذ فترة طويلة الا لبعض الزيارات للطبيب النفسى ، شعرت لوهلة انها نسيت شكل الشارع والاشجار والسماء وايشا الناس !

استندت برأسها للخلف واغلقت عينيها فمازال الطريق طويل امامهم وبعد مرور ساعات توقفت الحافلة فى كمين ليتم انزال جميع الركاب لحين الانتهاء من تفتيش الحافلة

قالت كارما بتساؤل

" هو فى ايه "

ردت نرجس

" ياربى بقى هيفتشوا الباص يلا يا بنتى ننزل "

وقفت كارما برفقة نرجس وباقي الركاب منتظرين انتهاء الضباط من التفتيش ،لفت نظر كارما صوت طفله صغيرة تتحدث مع والدتها بحماس وسعادة وهي تقول  
" ماما احنا رايعين البحر "  
لترد والدتها بابتسامه  
" اه يا حبيبتي "  
لتقفز الطفلة مكانها بسعاده وهي تتناول قطعة الشيكولاته التي تمسكها في يديها .  
ابتسمت كارما بحزن وعادت ذكرياتها مرة اخرى ..  
منذ عامين...

صرخت حلا بسعادة وهي ترى تلك الدمية التي كان يخفيها والداها خلف ظهره لتقفز من سريرها وهي تلتقطها منه وتخرجها من صندوقها لتراها عن قرب  
" طب مفيش حضن لبابا اللي جابلك اللعبة "  
ركضت نحوه وعانقته ثم قبلت وجنته وهي تقول  
" انا بحبك اوى اوى يا بابا "  
" وانا كمان بحبك يا قلب بابا "  
هنا قالت كارما بسعاده  
" وفي مفاجأة كمان "  
نظرت لها حلا بابتسامه وهي تقول  
" بجد يا ماما ايه هي "  
مدت كارما يدها لتسحب حلا نحو الخارج وهي تقول  
" تعالى وانتي تشوفيها بنفسك "  
خرجت حلا لترى تلك الكعكة الوردية الموضوعة على الطاولة لتصيح بفرحه وهي تقول  
" الله يا ماما دى جميلة اوى انا بحبكوا اوى "  
عانقتها كارما وقالت  
" واحنا بنحكك اوى يا قلب ماما "  
قالت حلا  
" بس انا نفسي في حاجة كمان "  
رد والدها قائلا  
" الاميرة بتاعتي تطلب وانا انفذ "  
قالت حلا بسعادة  
" نفسي اروح البحر والعب مع السمك "...  
" كارما كارما "  
انتبهت كارما لنداء نرجس ثم قالت  
" ايه يا نرجس "  
قالت وهي تحثها على الاسراع  
" يلا بابنتي الناس طلعت على الباص "  
ركبت كارما الحافلة مرة اخرى برفقة نرجس نحو المجهول ، حدثت نفسها قائلة  
" يارب استرها معايا .."

وصلت الحافلة لوجهتها اخيرا وقام الركاب من اماكنهم ليلتقطوا حقائبهم استعدادا للنزول ، نظرت نرجس لكارما فوجدتها نائمة ، هزت كتفها برفق وهي تقول  
" كارما اصحى يلا وصلنا "

فتحت عينيها ببطء وهي تضع يدها امامها تحاول الاعتياد على ضوء الشمس الساطع ، اخذوا حقائبهم ثم استقلوا سيارة اجرة منطلقين لوجهتهم التالية ...

توقفت سيارة الاجرة امام مطعم كبير ، اعطت نرجس النقود للسائق ثم ترجلت هي وكارما  
قالت كارما بانبهار

" الله انتى هتستغلى هنا يا نرجس "

قالت بابتسامه

" ابوة يا ستى ومش هتصدقى وائل طلع شريك فى المطعم ده "

ردت كارما باستغراب

" بجد مش كنتى قولتلى انه شغال تبع الحسابات "

" لا مهو ربنا كرمه وبقي شريك فيه تعالى يلا اما اعرفك عليه "

دلفوا للداخل واخذوا ينظرون حولهم مستكشفين المكان الذى كان افخم مما يتصوروا

سمعوا صوتا يأتى من خلفهم يقول بسعادة

" الشيف الكبير بتاعنا منور "

التفتوا له لتقول نرجس بابتسامه

" وائل اخبارك ايه "

رد عليها " الحمد لله طمنينى عنك انتى غايبة بقالك فترة "

ابتسمت قائلة " هبقى احكيلك بعدين على رواقه ، اه اعرفك كارما صديقتى و زى اختى "

ثم نظرت لكارما قائلة

" كارما وائل ابن خالتى "

اومأت كارما بابتسامه وقالت

" اتشرفت بيبك "

رد عليها بابتسامه مرحة

" الشرف ليا نورتى الغردقة "

اخذهم وائل فى جولة بداخل المطعم الذى انبهروا من جمال تصميمه ، ثم نزلوا نحو مطبخه الكبير

حيث عرف وائل العاملين به على نرجس وانها ستنضم لهم من الغد كأحد امهر الطهاه ، اصر

وائل على استضافتهم لياكلوا شيئا ولكن نرجس اعتذرت متحججة بانهم مرهقين من السفر

مفضلين الذهاب للمنزل لينالوا قسطا من الراحة ، عرض عليهم وائل توصيلهم للمنزل ووافقوا ...

وضعت كارما جميع اغراضها داخل ذلك الدولاب الواسع ثم اغلقتة والتفت وهي تجوب الغرفة

بعينيها ، شعرت ببعض الراحة والسعادة

دخلت نرجس وهي ترتدى على الفراش قائلة بتعب

" اه مش قادرة خلاص توضيب الدولاب تعبنى اوى محتاجه انام بتاع اربع خمس سنين "

ضحكت كارما عليها فتابعت

" خلصتى توضيب دولابك ""

" اه كله تمام "

اعتدلت وقالت " قوليلى بقى ايه رأيك فى الشقة وفى اوضتك "  
تنهدت كارما براحه وقالت  
" جميلة جدا والمنظر هنا مريح للاعصاب اوى ، انا فعلا كنت محتاجه تغيير فى حياتى "  
ثم نظرت لنرجس وقالت برجاء  
" ارجوكى متسبنيش ارجع للى كنت فيه تانى "  
امسكت نرجس بيدها وضغطت عليها وهى تطمئنها قائلة  
" انتى صاحبتى واختى يا كارما ولا يمكن اسيبك ابدا ".....

(٣)

هل يمكننا البدء من جديد ام ان الماضى سيظل ينبش عقولنا بحوافره !

اغلقت ذلك الكتاب الذى كانت تقرأه ووضعتة على الطاولة الصغيرة امامها ، شعرت ببعض البرودة تتسرب اليها فاغلقت سترتها جيدا ، دقائق وشعرت ان النوم يتسلل لجفونها فنهضت متوجه لفراشها بعد ان اغلقت اضاءة الشرفة ثم راحت فى سبات عميق ..

فى نفس الوقت كانت نرجس تجلس بغرفتها وهى تدون خواطرها على الورق والابتسامة لا تفارق شفتيها ، فها هى اخيرا اصبحت بجانب حبيبها الاول والاخير (وائل) ، اغلقت دفترها واخذت تتذكر ذكرياتهم سويا عندما كانت بعمر العشر سنوات ، فقد كانت خالتها تسكن على بعد بنايتين من منزلهم ، كانت دائما ما تزورهم وتجلس برفقة والدتها تتجاذب معها اطراف الحديث ، بينما هى كانت تلعب برفقة وائل ، وعلى الرغم من ان اخيها الذى يصغرها بعامين كان يفسد متعتها فى اللعب برفقة وائل ولكنها كانت تسعد بتلك اللحظات التى تقضيها معه..

تذكرت يوما كانت تجلس برفقة والدتها وخالتها ووائل ، وكانت تحمد الله ان اخيها كان نائما آن ذاك ، وحينها وقع على يدها قرح الشاى الساخن فضرخت متألمه فاسرع وائل نحوها واخذ ينفخ بيدها ويمسد عليها برفق ، فابتسمت ثم نظرت لوالدتها قائلة بنبرة طفولية " بصى يا ماما وائل بيخاف عليا انا لما اكبر هنتجوز انا وهو "

تعالت ضحكات والدتها وخالتها آن ذاك ظنا منهم انه كلام طفولى ، ولكن هى كانت تعي ما تقول انها تحبه حقا !..

فاقت من شرودها ووقفت امام الشرفه وهى تقول بنتهد  
" ياااه يا وائل اخيرا اتجمعنا تانى ، امتى تحس بيا بقى ، امتى !"  
فزعت نرجس عندما قاطعها صوت صراخ كارما فهبت راكضة نحو غرفتها ، فتحت الباب وانارت الضوء لترى كارما وهى تتلمل فى فراشها بعنف ثم نهضت جالسة وهى تصرخ  
" حلاااااااا بنتى "

اسرعت نرجس نحوها واخذت تمسد على رأسها برفق وهى تحاول تهدئتها  
" اهدى يا كارما مفيش حاجه اهدى يا حبيبتي "  
استعادت كارما وعيها واخذت تنتظر حولها لتتذكر اين هى ، نظرت لنرجس بنظرات دامعه وهى تقول

" حلا وحاتم وحشونى اوى يا نرجس انا مش قادرة اعيش من غيرهم مش قادرة "

حبست نرجس دموعها وهي تربت على ظهرها قائلة بخفوت  
" الصبر ، الوقت هيخليكي تتعافى انا متأكده"...

فى اليوم التالى استيقظت نرجس بنشاط وسعاده ولم لا فاليوم هو اولى ايام عملها الجديد بجانب من  
دق له قلبها ، اخذت حماما دافئا وارتدت ملابسها ووضعت بعض الزينة على وجهها والتي ابرزت  
ملامحها بشكل جميل

نظرت نظرة اخيرة على نفسها وابتسمت برضا ثم خرجت من غرفتها متوجه نحو غرفة كارما  
للاطمئنان عليه.

وجدتها نرجس تجلس بالصالة وهي تتناول وجبة الفطور وتتابع التلفاز بتركيز ، فمحممت قائلة  
" احم صباح الخير يا كوكى ها نمتى كويس"

نظرت لها كارما وملامح الارهاق بادية على وجهها ، ولكنها ابتسمت قائلة  
" يعنى الحمد لله ، هنعود مع الوقت متقلقيش"

قالت نرجس بجدية وهي تلتقطت بعض الطعام لتضعه فى طبقها  
" بتاخدى ادويتك زى ما قال دكتور عرفة"

تنهدت قائلة

" ابوة متقلقيش "

صممت نرجس قليلا ثم قالت وهي تلوك الطعام بفمها

" طب ايه رأيك تيجى معايا الشغل بدل ما تقعدى لوحدك هنا واهو تشوفى ناس وتتعرفى عليهم "  
نظرت لوجه كارما فوجدت ان الفكرة نال استحسانها وردت قائلة بابتسامه

" ياريت بدل ما افضل لوحدى هنا "

قالت نرجس بحماس

" طب مستنيه ايه يلا قوام البسي " ...

كان وائل يجلس على مكتبه وهو ينظر فى شاشة ذلك الحاسوب المتنقل بتركيز بينما يضغط  
باصابعه على ازراه بسرعه

سمع طرقات منتظمة على الباب فرفع رأسه قائلا  
" اتفضل "

دلفت نرجس برفقة كارما وعلى وجهها ابتسامه وقالت وهي تحاول اخفاء سعادتها  
" صباح الخير "

ابتسم وائل وقام من مكانه ثم استدار ليقف امام مكتبه ويقول مرحبا  
"صباح النور يا نرجس قوليلي بقى جاهزة "

قالت بحماس

" طبعا انت متعرفش انا بحب الطبخ قد ايه بحس انى بيدع فيه "

لم ينتبه وائل لما قالته فقد لفتت كارما نظره والتي كانت تقف بهدوء على بُعد من نرجس  
تتظر فى جميع انحاء الغرفة بشرود وكأن هناك ما يشغل عقلها ، فوجه كلامه لها قائلا

" ازيك يا انسه كارما "

انتبهت كارما من شرودها وردت بتلعثم

" ا.. الحمد لله "

همت نرجس ان تصحح ما قاله وائل ولكن كارما قاطعتها سريعا قائلة  
" ايه بقى يا شيف مش يلا عشان نشوف مهاراتك ."

ارتدت نرجس ملابس الطهاه ووضعت على رأسها تلك القبعة البيضاء وبدأت باعداد اصناف من الطعام بمهاره ملحوظه ، وقف وائل برفقه كارما على بعد يراقبون نرجس وهى تعد الطعام بحماس ، ثوانى ودلف كبير الطهاه (الشيف بكر) ليتابع العمل بالمطبخ ويلقى عليهم بعض التعليمات الخاصة برجال الاعمال الذين سيزورنهم الليلة وهو يقول " يلا اسرع اسرع فى ناس مهمه جاية انهاردة عايزين نخلص على الوقت "

سلم على وائل فى عجالة ثم دلف وهو يكمل توجيهاته للطهاه ، اقترب من نرجس التى انتهت اعداد ذلك الطبق للتو وكانت تضع عليه اللمسات الاخيرة ، نظر باعجاب واضح لشكل الطبق بينما سمع نرجس تقول بحماس " اتفضل يا شيف دوق "

امسك بادوات الطعام وتذوق من الطبق ليظهر على وجهه علامات الاستحسان ويقول بابتسامه مشجعه " ليكى مستقبل باهر يا شيف "

ابتسمت نرجس بسعاده ثم نظرت لكارما التى اشارت لها بيدها بتشجيع ، ثم القت نظرة على وائل الذى اوما لها بابتسامه فبادلته الابتسام وقلبا يتراقص فرحا ...

" أنسه كارما "

قالها وائل وهو يأتى من خلفها سريعا بينما استدارت هى لتواجهه ، حاولت كتم حنقها من نعتها بالانسه طوال الوقت كى لا تفجر جميع غضبها به ، فقالت بهدوء " ايوة "

" يعنى لو مفيهاش مضايقة ممكن تتفضلى تشربى حاجه لحد ما نرجس تخلص شغلها "

ردت بوجه خالى من اى تعبير وقالت " معلى محتاجه اتمشي شوية واتفرج على الشوارع بعد اذنك "

وتركته وانصرفت دون حتى الاستماع الى رده..

اخذت كارما تسير بالشوارع القريبة من المطعم ولم تبتعد خشية ان تتوه ولا تستطيع الرجوع للمطعم مرة اخرى ، كانت الشوارع هادئة نوعا ما فى ذلك الوقت ، شعرت ببعض الراحة وهى تستنشق الهواء الطلق وتشاهد المحلات المتنوعة ، لفت نظرها محل صغير كانت تقف امامه امرأة عجوز بعض الشئ خمنت انها بالعقد الخامس من العمر ، كانت تثبت على بابها لافته صغيرة انتظرت حتى اتممت تثبيتها وانصرفت من امامها حتى قرأت المكتوب عليها ( المحل للبيع )

ضيقت كارما عينينها وكأنها تفكر بشئ ما ، ثم اتسعت ابتسامتها شيئا فشى لتقول بنبرة حماسية " طب وليه لا ! " ....

(٤)

هل الحياه مثلما يقولون :  
( اللى مكتوب على الجبين لازم تشوفوا العين )  
ام ان لنا يد فى تغيير اقدارنا !..

التقط سترته من على ذلك الكرسي الوثير وارتداها ، ثم اخذ يعدل من وضعية ربطة عنقه وهو ينظر لنفسه فى المرآه ، اعاد تلك الخصله الهاربة من شعرة والتي تدلت على جبينه لمكانها مرة اخرى ثم امسك بعطره ليرش منه القليل على عنقه ..  
اصدر هاتفه صوتا عاليا معلنا عن وصول مكالمة وارده ، فنظر لنفسه نظرة اخيرة بالمرآه ثم امسك بالهاتف ليجيب على المتصل  
" ايوة يا إياد انا خلاص نازل اهو " .

أخذ يلتفت له اكثر من مرة ليحصى عدد المرات التى نظر فيها لساعته ثم ضحك قائلا  
" كده بقوا ٢٣ مرة "

نظر له بحنق وهو يهز ساقه بتوتر ثم قال  
" انت بتتريق يا إياد والله انت فايق "

انتبه للطريق مرة اخرى وهو ينظر فى مرآه السيارة الجانبية وضحك قائلا  
" ما انا مش فاهم ليه التوتر ده كله دى مقابلة شغل عادية هنعرض على الراجل العرض اللى عندنا وخلصنا "  
زفر بيأس قائلا

" يابنى ده شوكت عبد الرحيم صاحب اكبر فنادق الغردقة فكرك ممكن يوافق يشتغل مع شركة لسه فى بدايتها زينا ده الحمد لله انه وافق يقابلنا قبل المعاد بتاعه اصلا "  
ربت إياد على ركبته وقال بنبرة مشجعه  
" متقلقش يا صاحبي خليها على الله وانا حاسس اننا هناخد الشغل ده ان شاء الله "  
نظر من نافذة السيارة بشرود ولسان حاله يقول " يارب " ...

اغلقت كتابها بعدما قرأت جزءا منه لعل الوقت يمضي سريعا وتنتهي نرجس من عملها ، وكأنها استدعتها بأفكارها فقد رأتها تأتي من بعيد وعلى وجهها ابتسامه واسعه فنهضت قائلة " ها خلصتى "

ردت عليها

" اه خلصت انتى زهقتى من القاعدة ولا ايه "

" يعنى مش اوى ، المهم قوليلى ايه اخبار اول يوم "

تأبطت نرجس ذراعها وساروا سويا لخارج المطعم وهى تتحدث قائلة

" كان يوم لذيذ بصراحه ، الشيف بكر ده هایل اتعلمت منه حاجات كتير اوى وكمان الشيفات اللى شغالين كويسين يعتبر اتفاهمنا بسرعة "

سعدت كارما لصديقتها كثيرا فقد كان ضميرها يؤنبها بسبب انها جعلتها تترك عملها واهلها بالقاهرة لتقضى معاها تلك السنة اشهر بالغرقة من اجل ان تتعافى.

فاقت كارما من شرودها على صرخة نرجس وهى تقول

" حاسبى يا كارما "

سحبته سريعا لجانب الطريق لتسمع صوت احتكاك شديد لاطار سيارة بالارض ثم تتوقف تماما

ترجل صاحبها قائلا بحده خفيفة

" ايه يا أنسه حد يمشى فى نص الطريق كده "

كانت كارما مازالت فى حالة صدمة مما حدث فردت نرجس قائلة

" مخدناش بالناس يا كابتن وبعدين مفروض انت تمشى براحه مش تمشى تدوس خلق الله "

نظر لها بتعجب وضرب كف بكف قائلا

" والله خلق الله هما اللى بيرموا نفسهم على العربيات "

ثم تركها وركب سيارته مرة اخرى لينطلق بها، همت نرجس ان ترد عليه ولكن كارما منعتها قائلة

" خلاص يا نرجس الناس بتبص علينا وبعدين احنا غلطانين برضو "

ردت بغضب

" بنى ادم بارد وقليل الذوق بدل ما يعتذر "

انتبهت نرجس لكارما التى كانت حاول اخفاء ضحكتها وكأنها كانت تلقى النكات على مسامعها ، فقالت بدهشة

" انتى بتضحكى يا كارما ! "

خرجت ضحكتها اخيرا وهى ترد قائلة

" اصل بصراحة شكلك كان مسخرة وانتى بنتخانقى معاه لا وبتشمري عايزة تضربيه "

شبكت ذراعها امام بطنها بحنق وقالت

" وده يضحك فى ايه بقى انا كنت هضربة فعلا "

انفجرت كارما ضاحكة ثم حاولت تمالك نفسها لتقول بصوت متقطع من بين ضحكاتهما

" تضربى مين يا نرجس ده شبه الدولاب ده لو لمسك بس هيعملك ستيكز على الارض زى توم وجيرى كده "

كانوا قد وصلوا اسفل البناية التى يسكنون بها فتركته نرجس بحنق وهى تصعد الدرج بغيظ تاركه

كارما وهى تتبعها راكضة و تقول بضحك

" طب استنى بس هقولك " ...

\*\*\*

" بت مستفزة "

قالها إياد وهو يصف سيارته امام ذلك المطعم الذى سنتم فيها مقابلة العمل الخاصة بهم  
" خلاص يا إياد سيبك منها خلينا نركز فى الشغل جهزت كل الورق اللى طلبته منك "  
فتح الحقيبة وتأكد من كل شئ ثم قال بنبرة واثقه  
" كله تمام متقلقش خليها على الله ويلا بينا . "

كانت بعض الدقائق القليلة التى انتظرها برفقة اياد بعد ما دلتهم النادلة على الطاولة التى تم حجزها  
مسبقا ولكنها مرت عليه كعام حتى وصل من ينظره اخيرا .  
" مهاب سراج المهدي "

قالها وهو يصافح شوكت قبل ان يجلسوا سويا على الطاولة ، جاء النادل بفناجين القهوة بعد ان  
اخرج إياد تلك الاوراق من حقيبته ليضعها امامه ويقوم مهاب بعرض الصفة عليهم والذى تفنن  
فى محاولة اقناعهم بمهارة ...  
\*\*\*

جلست امامها بسعاده وهى تقول

" بجد يا كارما دى فكرة هايلة انك تشتري المحل ده "

تنهدت كارما براحه وقالت

" بصراحه اول ما شوقته قولت وماله لما اجرى واھو اعمل حاجه جديدة وانتي عارفة انى كان  
نفسى افتح محل ورد من زمان "

ثم نظرت للارض وخرجت منها تنهيدة حزينة وهى تقول

" حاتم الله يرحمه كان ناوى يفتحولى وكان مدينى فلوسه بس حصل اللى حصل "  
ربتت نرجس على يدها وقالت بتشجيع

" ان شاء الله هتحققى اللى تتمنيه وانا من الصبح هاجى معاكى "

ابتسمت كارما بحماس فصديقتها دائما ما تشجعها وتدعمها فى قراراتها ، وقد حدث بالفعل فى اليوم  
التالى توجهت كارما برفقة نرجس وقابلت المرآه صاحبة ذلك المحل واتفقت معاها واتمت شراءه  
ثم بدأت فى تجهيزه فى اليوم ذاته من فرط حماسها وسعادتها ..

مع اقتراب غروب الشمس كانت كارما قد اتمت جميع توكيدات المحل ، وقفت بمنصفه وهى

تنظر حولها بسعاده تبقى لها فقط زيارة المشتل لتنتقى الازهار التى سوف تبيعها ، دقائق

ووصلت شاحنة صغيرة تحمل على متنا لافته المحل الكبيرة والتى اتفقت كارما على صناعتها

بالامس ، خرجت لتجد العمال يقومون بانزال اللوحه الكبيرة ومن ثم تثبيتها اعلى باب المحل

والتي حُط عليها اسم ( حلا للأزهار )

شكرتهم قبل ان ينصرفوا ثم اخذت تنتظر لتلك اللافتة بسعاده وهى تنفض التراب عند يديها

" بسم الله ماشاء الله المحل بقى زى القمر "

نظرت لنرجس التى وصلت للتو بعد انتهائها من عملها فقالت بسعاده

" كدة مش ناقص غير انى اروح المشتل بكرة واتفق معاھم "

اقتربت نرجس منها وقالت بنظرة مليئة بالتشجيع والحب

" يارب دايم اشوفك مبسوطه كده ... "

(٥)

بداية جديدة ...

التقطت هاتفها وعبثت به قليلا ثم وضعته على أذنها منتظرة الرد ، ثوانى وجاءها صوت يقول  
بنشاط

" صباح الخير يا كوكى معلش نزلت بدرى الصبح ملحقتش اصبح عليكى "

ابتسمت كارما بهدوء وقالت

" صباح النور ، ما انا قولت اتصل اتطمئن عليكى "

ردت عليها نرجس عبر الهاتف

" متقلقيش كله زى الفل انتى ايه اخبار المحل "

"يعنى اهو لسه فى الاول بس اكيد ربنا هيكرم"

اقتربت احدى العاملات فى المطبخ من نرجس وقالت بصوت هادئ

" وائل بيه عايز حضرتك فى مكتبه يا شيف "

اتسعت ابتسامة نرجس ولكن حاولت اخفاء سعادتها وقالت بنبرة عادية

" جاية حالا "

جاءها صوت كارما عبر الهاتف تقول

" شكلك مشغولة هقفل وابقى اكلمك بعدين "

ردت نرجس بفرحة

" هتقل دلوقتي بس وهكلمك بعدين ، اه ومنتشيش هعدى عليكى بليل عشان نروح سوا " ...

طرقت على الباب بخفه ثم فتحته واطلت منه برأسها وهى تقول  
" كنت طلبت اجى "  
ابتسم وائل مرحبا ثم دعاها للدخول ، جلست نرجس امامه محاولة الحفاظ على توازنها ، ثم سمعته يقول  
" ايه الاخبار فى المطبخ كله تمام "  
ردت بابتسامه واسعة  
" اه كله تمام متقلقش "  
صمت قليلا وكأنه فى حيرة كيف يبدأ كلامه ولكنه تحدث اخيرا قائلا  
" نرجس ممكن اعزمك على العشا هنا فى المطعم بعد ما تخلصى شغلك يعنى كنت عايز اتكلم معاكى فى موضوع مهم "  
تفاجأت من عرضه واخذ قلبها يدق بعنف لدرجة انها خشيت ان يسمع صوت دقاته ، حممت قائلة  
بنبرة سعيدة فشلت ان تخفيها  
" ماشي مفيش مشكلة ، بس ايه الموضوع "  
ابتسم قائلا بهدوء  
" بليل هتعرفى " ...

مع غروب الشمس القت نرجس ادوات الطعام فى ذلك الحوض الواسع ليتم تنظيفها ، ثم دلفت لغرفة تبديل الثياب لترتدي ملابسها نظرت لنفسها فى المرآه وهى تضع بعض الزينة وقالت  
" ايه القرف ده مش كنت لبست حاجه عدلة انهارده "  
ثم ضربت على رأسها وهى تقول بضحكة  
" مش مهم المهم انه خلاص اخيرا حس بيا ياترى هيعترفلى بحبه ولا هيكلمنى فى ايه الحماس هيقئلنى " ...

جلست على تلك الطاولة التى حددها لها وهى تنظر حولها بتوتر وسعاده فى آن واحد ، فها هى احلامها سوف تتحقق الليلة ، رأت وائل مقبل عليها بابتسامته المعهودة ثم جلس امامها وهو يقول  
معتذرا  
" معلىش اتأخرت عليكى "  
اجابت بابتسامه هادئة  
" لا ولايهكم ، خير ايه الموضوع اللى عايز تتكلم فيه "  
اخذ وائل نفسا عميقا ثم بدأ يتحدث بعد ان وضع النادل الطعام امامهم قائلا  
" بصراحة انا كنت عايز اخذ رأيك فى حاجة "  
اخذ قلبها يدق وقالت بنبرة متوترة  
" اكيد اتفضل "  
قال بابتسامه واسعة  
" فى كارما "  
اختفت ابتسامتها وقالت باستغراب

" كارما ! "

" يعنى بحكم انها صاحبتك كنت عايز اعرف رأيك فيها ايه يعنى اعرف معلومات عنها اكثر "

ثم تنهد بسعادة واضحه وهو يقول

" مش هكذب عليكى انتى بنت خالتى و اختى انا معجب بكارما جدا شدتتى من اول مرة شوفتها فيها هدونها وجمالها الطبيعى ، هى دى اللى بدور عليها من زمان "

أهذا صوت قلبى الذى يتحطم !

شعرت ان الدنيا تدور بها ، كلماته نزلت عليها كالصاعقة ، بعد مده من الصمت قالت بنبرة حسرة

" ليه ! ليه يا وائل ليه ! ليه مش أنا معقول مش حاسس بيا كل ده مش حاسس بالطفله اللى كبرت

كل يوم وهى متعرفش حبيب غيرك ! كنت عايشة كل يوم على امل انك تحس بيا حتى بعد ما

سافرت "

رد عليها ببرود وقال

" نرجس لو سمحتى ده كان حب اطفال يعنى لعب عيال وكل ده كان فى الماضى وخلص انتى

بالنسبىالى زى اختى وبس "

مسحت تلك الدمعة التى فرت عينها ولملمت بقايا كرامتها ونهضت وهى تقول بجمود

" انت صح من انهارده انت بالنسبىالى مديري وبس ، واه مظنش انه هيكون ليك فرصه مع كارما

لأنها عايشة على ذكرى جوزها وبنتها ولا يمكن تفكر فى حد تانى "

رمت فى وجهه تلك القنبلة ، ثم تركته وانصرفت راکضة وهى تحاول ان لا تنهار بالبكاء فالليلة

التى ظنت انها ستكون اسعد لياليها اصبت اسوء ليلة مرت عليها ...

\*\*\*

" ابوة يا مهاب خلاص يا ابنى انا بركن العربية قدام المطعم اهو "

اغلق اضواء السيارة ووقف موتورها ثم ترجل منها وتأكد من غلقها جيدا ، دس هاتفه فى جيبه وهم بالدخول من باب المطعم ولكنه رأى تلك الفتاه التى تخرج راکضة دون ان تنتبه لتلك السيارة

القادمة من بعيد ، اندفع نحوها وقام بسحبها لجانب الطريق وهو يقول

" حاسبى "

نظر لوجهها وهم ان يتكلم لكن اتسعت عيناه وقال بدهشة

" أنتى ! انتى يا بنتى بترمى نفسك قدام العربيات هواية يعنى ، لو لاقية حياتك فى كيس

شيبسى عرفينى "

نظرت له بحنق قائلة من بين دموعها

" اهو ده اللى كان ناقصنى "

عندما رأى حالتها اشفق عليها فقال بنبرة هادئه

" أنتى كويسة ؟ "

اندهشت من حديثه معها بلطف فقالت وهى تومئ برأسها

"كويسة ، شكرا انك لحقتنى بعد اذنك "

ابتسم ابتسامة خفيفة وهو يطالعها بعدما انصرفت ، ثم دلف لداخل المطعم..

قال إياد بحنق وهو يجلس امام مهاب

" خير جايبينى على ملا وشي ليه "

ثم نظر حوله قائلا

" وبعدين ايه سر حبك فى المطعم ده مش فاهم "

قال مهاب بنفاذ صبر  
" يا بنى اسمع مش وقت هزارك "  
" ادينا سامعين "  
انفرجت اسارير مهاب وهو يقول براحة  
" شوكت قبل عرضنا وهنبدأ توريد من بكرة "  
اتسعت عيني اباد من السعاده وقال  
" شوفت كنت متأكد ان ربنا هيكرمنا "  
جلسوا يتحدثون فى امور العمل الى ان رن هاتف اباد الذى ظهر عليه ملامح الحزن ، وبعد ما  
اغلق قال  
" عامر صاحبنا عمل حادثه وهو فى المستشفى دلوقتى "  
صدم مهاب قائلا  
" لا حول ولا قوه الا بالله ، طب قوم بينا نروحله ده ياما وقف جمبنا "....

" استنى يا اباد "  
قالها مهاب سريعا ليوقف اباد السيارة وهو يقول  
" فى ايه "  
" فى محل ورد هناك اهو هنزل اشتريله حاجه ندخل بيها ميصحش نروح بايدنا فاضية كده "  
رد عليه اباد قائلا  
" ماشي مستنيك "..  
وقف مهاب امام ذلك المحل الصغير رفع بصرة فوجد مكتوب عليه ( حلا للأزهار ) ، دلف  
للداخل ولكن لم يجد احدا اخذ يتفحص المكان حوله واعجب بديكوراته البسيطة والوانه الهادئة  
التي تبعث فى النفس الشعور بالراحة  
حمم قائلا  
" سلام عليكم فى حد هنا ! "  
سمع صوتا يأتى من باب فى اخر المحل ثم خرجت منه كارما وهى تقول بابتسامه عملية  
" اهلا بحضرتك اتفضل "  
عندما وقع بصره عليها شعر وكأن الدنيا توقفت من حوله ، ومع انها فتاه متوسطة الجمال ولكن  
ملامحها البسيطة لفتت نظره و عقله .  
" حضرتك معايا "  
افاق من شروده قائلا  
" اه كنت عايز بوكيه ورد حلو كده على نوبك لزيارة لمريض "  
ابتسمت تلك الابتسامه التى سحرته وقالت بصوتها الهادئ  
" تحت امرك "....

(٦)

بصمت كسكون الموتى كانت تجلس على الأريكة ضامه ركبتيها لصدرها و تحاوطها بيديها وهي  
تنظر للفراغ نظرة خاليه من الحياه  
دقائق و سمعت صوت المفتاح يُدار في الباب ثم دلفت كارما واغلقتة خلفها ، وعندما رأت نرجس  
اسرعت اليها وجلست جانبها وهي تقول بعتاب وقلق  
" انتى فينك يا نرجس مش قولتى هتعدى عليا نروح سوا عمالة اتصل بيكى مبرديش ، فلقنتينى  
عليكى "

لم تنفوه نرجس بكلمه مما اثار قلق كارما فهزتها وهي تقول  
" مالك يا نرجس تعبانه ولا فيكى حاجه ؟"  
هنا لم تستطع التماسك اكثر فارتمت باحضانها وهي تبكى بشدة كالأطفال ، فزعت كارما واخذت  
تمسد على رأسها محاولة تهدئتها  
" اهدى يا حبيبتى مالك بس "

بعد عدة دقائق افرغت نرجس ما بداخلها من حزن وحسرة ، التقطت انفاسها ومسحت دموعها  
وهي تقول بصوت مبحوح من البكاء  
"متقلقيش انا تعبانه شوية"  
ثم نظرت امامها وقالت بنبرة ذات مغزى  
" بس هبقى كويسة ، لازم ابقى كويسة"  
لم تفهم كارما شئ ولكنها فضلت ان لا تضغط عليها فقالت بحنو



لا يعلم لما غير طريقه عندما تذكرها فقد كان عائداً لمنزله بعد ان انهى عمله ولكنه انحرف بسيارته ليقصد ذلك الشارع الذي يقبع به ذلك المحل الخاص بالزهور حيث توجد تلك من سرقت قلبه ، دلف على أول الشارع واقترب بالسيارة ببطئ وللمفاجأه رآها وهي تقف على جانب الطريق تبدو وكأنها تنتظر سيارة أجرة ، اقترب بسيارته وتظاهر انه تفاجئ برؤيتها حيث قال " ايه ده ازيك "

تذكرته كارما على الفور ولا تعلم لما ذلك الشعور بالسعادة الذي تسرب لثنايا قلبها ولكنها تظاهرت بعدم تذكره وقالت

" أفندم ؟ حضرتك تعرفنى ؟ "

قال بابتسامه واسعه

" أنا الاسبوع اللى فات ، اقصد يعنى اشتريت من عندك ورد الاسبوع اللى فات افكرتيني "

ابتسمت بهدوء وقالت

" اه ازى حضرتك "

" الحمد لله " ثم تابع بتردد

" أنا شايفك واقفه انتى مستنيه مواصلة او حاجه "

" اه مستنية تاكسي "

قال باندفاع " طب ما تتفضلى اوصالك "

ثم تتحنج بحرج وقال

" أنا أسف متفهمنيش غلط بس الحتة هنا بليل مش احسن حاجه ونادرا لما تلاقى تاكسي الا لو

مشيتى شوية كتير قدام عند المطعم الايطالى كده "

لا تعلم ما الذى فعلته ولكنها وجدت نفسها تبتسم وتقول

" مهو انا عايزة ارواح المطعم ده صاحبتى مستنيانى هناك "

اتسعت ابتسامه وقال

" بيقى تسمحيلي اوصالك لو مفيهاش مضايقة "

فى الطريق ساد الصمت بينهم حتى قطعه مهاب قائلا

" أه انا معرفتش اسمك "

نظرت له وقالت " أسمى كارما "

هز رأسه بابتسامه وقال

" اسمك جميل ، اتشرفت بمعرفتك يا أستاذة كارما "

سعدت كارما بداخلها لأنه لم ينتعها بالأنسه كارما مثلما يفعل ذلك الغبى وائل دائما ، سمعته يرد

عليها قائلا

" انا مهاب "

" اتشرفت بيك "

قطع حديثهم صوت هاتفه ليورد عليه وكان المتصل إياد

" ايوه يا إياد .... ما انا كنت لسه معاك فى الشركة يا بنى .... انا قريب من المطعم الايطالى قابلنى

فيه ..... ماشي سلام ... "

ترجلت كارما من السيارة بعد ان شكرت مهاب على توصيلها ، دعاها لتنتظر صديققتها بالداخل

لكنها رفضت متحججة انها سنأتى سريعا ليتجهوا للمنزل ، ثم دلف مهاب لينتظر إياد بالداخل ،

انتظرت كارما لبعض الوقت ولكنها شعرت بحاجتها الى الذهاب للمرحاض فدلفت للمطعم وتوجهت نحو المرحاض .

بالاسفل فى مطبخ المطعم نظرت نرجس فى هاتفها فوجدت مكالمات فائتة من كارما فضربت بيدها على رأسها وهى تقول

" اوف ده انا كنت عاملة الموبايل سايلنت اكيد كارما وصلت ومستنيانى فوق "

توجهت للشيف بكر لتستأذن منه للصعود لكارما لجعلها تنتظرها لبعض الوقت بينما اكد عليها الشيف بكر بعدم الانصراف الا بعد ساعه نظراً لوجود ضغط بالعمل

صعدت نرجس وسارت فى الرواق المؤدى لباب المطعم واثناء ذلك تقابلت مع وائل الذى تجاهلته وتابعت طريقها مسرعة مما اثار حنقه فوقفها قائلاً

" سايبه شغلك وطالعه تجرى كده ليه انهاردة فى ساعه شغل زيادة ومحدث هيمشي " نظرت له بلا مبالاه ثم قالت

" انا مش ماشية انا خارجه اقول لكارما تستناني شوية "

ثم نظرت لملابسها وقالت باستهزاء وسخرية

" واكيد مش هسيب حاجاتى وهروح باللبس ده "

تركته وانصرفت مما اثار حنقه اكثر فقرر تتبعا.

فى تلك الاثناء وصل ايباد امام المطعم وصف سيارته ثم ترجل منها ليلفت نظره تلك التى تخرج راكضه من المطعم وهى تنظر يمنى ويسرى كأنها تبحث عن شئ ما ولم تنتبه لتلك السيارة

المسرعة التى تأتى من بعيد ، اسرع ايباد نحوها وسحبها من ذراعها لجانب الطريق وهو يقول " حالاسبى "

كان وائل فى ذلك الوقت قد وصل لباب المطعم ليراقب نرجس منه خلسة فوجدها مع هذا الغريب الذى يمسك بذراعها !!

رفعت نرجس رأسها وقلبها يدق بسرعة من الفرع لينفاجاً بها ويقول بدهشة

" هو أنتى تانى !! هو انا كل ما اجى المطعم ده الاقيكى خارجه بتجرى منه زى الهيلة قدام العربيات ، لا بجد قوليلى العته ده وراثى ولا ده اجتهاد شخصى منك "

ردت عليه بغيظ " انا هيلة والله انت واحد سدغ وقليل الذوق "

اجابها بتعجب " يعنى ايه سدغ "

" معرفش بسمعها كده "

لفت نظره ملابس الطهاة التى ترتديها فأشار وهو يسألها قائلاً

" أنتى شغالة هنا ولا ايه "

ردت بسخرية

" لا رايحه حفله تنكرية يا خفيف "

ثم تركته ودلفت للمطعم باحثة عن كارما وغافلة عن ذاك الذى يراقبها والشرر يتطاير من عينيه !

نظر ايباد فى اثرها ثم ابتسم قائلاً

" معنوهه ! بس لذیذة " ...

(٧)

أخرج إیاد تلك الورقة من جیب سترته ووضعها على الطاولة وهو یقول بحماس

" استلمنا شیک اول دفعه من شوکت "

اتسعت عینی مهاب وقال بدهشة

" یا راجل بالسرعة دی وصل امتی "

اجابه بفخر

" احنا مش ای حد ، وصل انهاردة بعد ما ممشیت بشویة وبصراحة مقدرتش استنى لبكرة عشان

ابلغك "

امسك مهاب الورقة ونظر فیها بسعاده فها هی أحلامه التى سعى لها بكل جهد تتحقق و شركته

التى افتتحها منذ عام واحد تجنى ثمار تعبہ وتكبر رويدا رويدا امام عینیہ ، افاق على صوت ایاد

یقول

" احنا لازم نحتفل بقى "

رد عليه مهاب بتعب

" لا احتفل مع نفسك انا تعبان ومحتاج ارتاح وبعدين لازم نشتغل باقصى جهد عندنا عشان نتمم الصفقة دى "

رد عليه بإحباط

" خلاص انت سديت نفسي "

ضحك مهاب وقال " طب قوم بينا نمشي "

خرجوا من باب المطعم ليتجه كلا منهم لسيارته ولكن مهاب رأى كارما وهى تقف برفقة فتاه اخرى بجانب المطعم فاقترب منهما قائلا بابتسامه هادئة

" استاذة كارما تحبى اوصلكوا للبيت "

ثم نظر فى ساعته ليجدها الحادية عشر فيتابع قائلا

" الوقت اتأخر يعنى وممكن حد يضايقكوا "

وزعت نرجس نظراتها بينهم وهى تضيق عينيها ثم سمعت كارما وهى تقول

" شكرا يا أستاذ مهاب مش عايزين نتعب حضرتك احنا هناخد تاكسي ونروح "

" صدقيني مفيش اى تعب .... "

قطع حديثه صوت اriad من خلفه وهو يقول

" انت مش كنت تعبان جاتلك الفوقه دلوقتى "

ثم نظر لكارما وهو يقول بابتسامه

" اهلا وسهلا "

ثم وجه نظره نحو نرجس التى دهشت لرؤيته ليقولوا فى أن واحد

" أنت تعرف البت دى "

" أنت تعرف الواد ده .... "

ترجلت كارما برفقة نرجس من سيارة مهاب ثم شكرته كثيرا لتعبه معها لينصرف بعدها مهاب.

جلست نرجس على الأريكة بجانب كارما وهى تنتظر لها بنصف عين وتقول

" اممم مش هتقوليلى بقى مين الكابتن ده "

قالت كارما بخجل حاولت اخفاءوه

" ده ، ده الللى حكيتلك عليه الللى اشترى منى ورد الاسبوع الللى فات "

ردت نرجس بابتسامه خبيثة

" اممم بس الظاهر كده انه اكثر من زبون "

قالت كارما بتوتر

" يعنى ايه مش فاهمه "

اقتربت نرجس اكقر وقالت

" يعنى شكلك كده مخدتيش بالك من نظراته ليكى "

قامت كارما بتوتر وقالت

" نرجس انا مش فيقالك انا عايزة انام "

قامت نرجس وامسكت بكتفيها لتوقفها قائله

" وماله يا كارما لما تدى لنفسك فرصه وتفتحى قلبك من تانى ، انسى يا كارما وعيشي حياتك يا

حبيبتى ادى لنفسك فرصة تفرحي "

قالت كارما بحزن

" عزيزانى انسى بنتى !"

" لا طبعا عشان انتى عمرك ما هتتسيها حلا هنا فى قلبك ومش هتطلع منه بس هى لو كانت موجودة عمرها ما كانت هتتحب تشوفك حزينه كده ، كارما اللى مريتى بيه مش سهل انتى بقالك سنه ونص بتعانى واهى الفرصة جاتلك افتحى قلبك يا كارما واديله فرصه يفرح من تانى "...

مرت ثلاثة أشهر كان فيها مهاب يعمل بجد وقد أنت صففته مع شوكت بثمارها وأعطت لشركته شهره اكبر وذاع صيتها حتى انه سار بإجراءات افتتاح فرع الشركة الثانى بمحافظة القاهرة وكان إياها يتابع الاعمال هناك من حين لآخر .

وفى تلك المدة تقرب لكارما ، فكان كثيرا ما يتحجج بشراء الورد وذلك ليرآها ويقضى معاها بعض الوقت بينما شعرت كارما بان قلبها يدق كلما تراه ، هى تعلم ان زيارته لها فى المحل ما هى الا حجه ليرآها ولكنها كانت تسعد بذلك كثيرا ، وبالرغم من ذلك لم تظهر مشاعرها وحافظت على حدودها بالتعامل معه .

وفى تلك الاثناء كان إياها دائما ما يتناول وجبة غدائه فى ذلك المطعم الذى تعمل به نرجس قاصدا مشاكستها والعراك معاها ..

طرقت نرجس على بابه وهى تنتظر للأعلى بنفاذ صبر ولكن حاولت الحفاظ على هدوءها ، دلفت بعد ما سمعت صوته يأذن لها بالدخول وقالت

" حضرتك طلبتتى "

نظر لها وائل بابتسامه ثم قال

" اه اقفلى الباب واقعدى يا نرجس "

القت نظرة على الباب ثم وجهت بصرها له مرة اخرى وهى تقول بلامبالاه

" للاسف مش فاضية عندى شغل كثير فى المطبخ اتفضل حضرتك انا سمعك "

ضرب وائل بيده على سطح المكتب ثم نهض من مكانه واقترب منها وهو يقول بغضب

" والله مش فاضية ، لكن فاضية للواد اللى لازقك فى الرايحة والجاية ده ها "

هوت نرجس بيدها على وجنته لتصفعه بقوة ثم قالت بنقّة

" انا مسمحكش تقول عليا نص كلمه ، ومش هقعد دقيقة واحده هنا "

استدارت لتتصرف لكنه امسكها من ذراعها قائلا بحده

" بتضربينى عشانه يا نرجس ايه نسيتى حبك ليا ولا انا بقيت كخه دلوقتى "

سحبت يدها بعنف وقالت بغضب

" لو فكرت تلمسنى تانى هقتلك انت فاهم ، وبالنسبة ان كان فيه مشاعر من ناحيتك فمش هنكر ده

لكن انت رفضتها وانا محيتها من جوايا وخلصنا "

ابتسم بسخرية وقال

" لكن هو يمسكك من ايديكى عادى صح "

ابتسمت بتشفى وقررت اغاظته قائلة

" ايه اللى اتغير ولا عشان عرفت ان كارما مبعثش مناسبة ليك فقولت ترجع للهبله اللى كانت

بتجرى وراك "

اقترب منها فرجعت خطوة للوراء وهو يقول بنبرة حانية

" نرجس انا صدقت انك بتحبينى فعلا وانا اكتشفت انى مقدرش اعيش من غيرك ، متزعليش  
منى انا لما بشوفك معاه بتجنن "  
اقتربت خطوة وقالت بتحدى وغضب  
" متقلقيش انت كده كده مش هتشف وشي تانى " ثم خرجت صافقة الباب خلفها بقوة ....

(٨)

حياه جديدة ولكن !..

كانت تنظم تلك الازهار التى وصلتها للتو فى اماكنها المخصصة لها وهى تضعهم واحده تلو  
الأخرى ، تعشق الوان تلك الازهار المختلفه وروائحها التى تبعث فى نفسها السعادة ، بعدما انتهت  
من تنظيمها حملت تلك الدلو المملؤ بالمياه لتنظف الأرضية من الطين والاتربة التى كانت عالقه  
بالازهار ، قاطعها صوت هاتفها لتذهب نحوه وتلتقطه ، كان المتصل مهاب فاتسعت ابتسامتها  
واجابت عليه

" مساء الخير "

اجابها مهاب بنبرة هادئة

" مساء النور يا كارما ، انتى فى المحل "

اجابت بابتسامه

" اه لسه مروحتش "

" تمام كويس جدا انا جاي حالا "

قالت بسعاده " مستنياك " ..

اغلقت الهاتف واخذت تلتف حول نفسها بسعاده ، تشعر وكأنها مراقبه فى مقبل العمر وليس  
أمره ناضجه ستتم السادسة والعشرون من عمرها ، دلفت لتلك الغرفة الصغيرة فى آخر المحل  
لتنظر لشكلها بالمرآه وتقوم بتعديل هيئتها وهى تشعر نفسها بخفة الفراشات..!

بعد مرور بعض الوقت وجدت كارما سيارة مهاب تُصَف امام دكانها ويترجل منها مهاب وهو  
يدلف للداخل بابتسامته المعهودة التى اسرت قلبها وجعلته يخفق بشدة ..

جلس على ذلك الكرسي امامها وهو يقول بابتسامه

" طمنيى عليكى عاملة ايه "

ابتسمت بتوتر وقالت

" الحمد لله كويسة "

ثم تابعت بنبرة مرح وقالت

" ها يا ترى جاي تاخذ بوكيه لمين أنهاردة اظن الفترة اللى فاتت دى انت اشتريت للعبة كلها ورد "

" "

ضحك مهاب بشدة وقال

" امم قصدك تقولى انى مفقوس اوعى يعنى "

اشارت بيدها وقالت

" امم يعنى "

نظر لها نظرة تشع حب وحنان شعرت بها كارما وتخللت ثنايا قلبها ثم قال بحنو

" انا عايز وردة واحدة "

عقدت حاجبيها قائلة باستغراب

" وردة واحدة بس ! "

أوما براسه بالإيجاب محتفظا بتلك الابتسامه الحنونه ، فتحركت كارما لتنتقى له زهرة من بين  
أزهارها فأختارت اكثر انواع الازهار حبا اليها وهى زهرة ( الجورى ) الحمراء ثم اعطته اياها  
قائلة

" أدى الوردة اهى "

ضحك بعفوية ثم امسك الوردة من اوراقها وبخفه وضعها خلف أذنها وقال

" انا عايز وردة واحدة بس وهى أنتى "

اتسعت عيني كارما وظهرت بهم السعادة الحقيقية ، بينما شعرت ان قلبها سوف يغادر قفصها  
الصدري من خفقانه وفرط حماسه ..

تابع قائلا بجدية

" كارما ممكن اسألك سؤال "

اومات براسها دون ان تتكلم فهى مازالت لا تستوعب ما سمعته للتو فتابع مهاب قائلا

" هو انتى ليه مسميه المحل باسم حلا انا بصراحه كنت فاكر فى الاول انه اسمك "

اختفت ابتسامة كارما من على وجهها تدريجيا وفاقت من عالم الاحلام على واقعها المرير ، ثرى هل سيتقبل مهاب ماضيها وستظل نظرات الحب تلك فى عينيه ام سيبتعد عنها بعد معرفة الحقيقة !  
" انا اسف شكلى فكرتك بحاجة ضايقتك "  
نظرت له و عيونها تلتمع بالدموع وحسنت امرها قائلة  
" انا هحكىك كل حاجة " ....

" نرجس نرجس استنى هنا انا بكلمك "  
قالها وائل بعصبيه وهو يلحق بعد ان تركته وبدلت ثيابها واخذت حقيبتها حتى لم توضح للشيف بكر سبب انصرافها المفاجئ ، اوقفها وائل قرب باب المطعم وهو يقول  
" هو انا مش بكلمك !"  
اجابت بغضب واضح  
" مبقاش في بينا كلام وشغل هنا انا خلاص سيبتته واياك بس تفكر تظهر قدامى تانى انت فاهم "  
تركته وهمت بالذهاب لكنه امسكها من رسخها وسحبها بقوة وهو يقول بغضب  
" مش هتمشي يا نرجس مش بمزاجك انا اللى اقول امتى تمشي ، ده انتى كنتى بتجري ورايا  
عشان بس تسمى منى كلمة حلوة دلوقتى خلاص !"  
حاولت نرجس سحب يدها ولكن كانت قبضته اقوى منها فحاولت ان تصرخ لعل احدا من الزبائن يسمع صوتها ، ولكن قبل ان تفتح فمها وجدت من يلکم وائل بشدة على وجهه ليرتد للخلف ممسكا بانفه الذى سال منه الدماء متألما.  
نظرت نرجس جانبها لتتفاجئ باياد وهو ينظر لوائل بغضب ثم قال  
" فكر تلمسها مرة تانية وانا هكون دافنك هنا"  
ضحك وائل بسخرية ثم قال قاصدا استفزاز اياد  
" اووه انتى لحقتى تكلميه يجى لا مش سهلة انتى برضو يا نرجس ، لاقيتينى مش معبرك قولتى  
تلفى على حد غيرى مبتضيعيش وقت ابدا "  
لم يشعر اياد بنفسه الا هو يلکمه مرة اخرى بقوة لتتكسر على اثر الضربة سنه من أسنان وائل  
امسك اياد بيد نرجس وقال بصوت غاضب  
" مش هسمحك تجيب سيرة خطيبتى حتى فمابالك لو غلطت فيها "  
صدم وائل من حديثه وقال  
" خطيبك ! "

سحب اياد نرجس وخرج بها من المطعم وسط زهول الجميع وأولهم وائل !  
اجلسها فى السيارة ثم جلس جانبها وسار بها قليلا ليبتعد عن المطعم ثم اوقف السيارة سريعا ،  
لتشهق نرجس وهى تندفع نحو الأمام  
نظر لها بغضب وهو يقول  
" مين ده ومعناه ايه الكلام اللى قائله "  
نظرت له نرجس بغیظ وقالت  
" انت مالك ومين اصلا اداك الحق تشدنى من ايدى كده وتقول انك خطيبي "  
ثم استدارت لتفتح الباب لكنه احكم اغلاقه ثم قال بنبرة غاضبة  
" مش هتنزلى من هنا الا لما تجاوبى على استلتى مين ده ! ويقصد ايه ! "  
التفت له نرجس ببطئ ثم تنهدت وقالت بصوت حزين  
" هحكىك كل حاجة " .....

" بس ده كل حاجة "

قالتها كارما ثم مسحت تلك الدموع التي اغرقت وجنتيها بيديها ، ظلت صامته تنظر لمهاب الذي كانت نظراته مبهمة ، مرت عليها تلك الدقائق الساكنة وكأنها دهر حتما سيتركني مثلما تركني كل شئ أحببته ولم أومه على ذلك...  
وضعت نظرها للأرض متأهبة لرده ولكنها تفاجأت بيده الممدودة لها بذلك المنديل القماشي المطرز عليه أسمه .

رفعت بصرها له لتجد نفس تلك الابتسامة الهادئة على ثغره وكأنه لم يتغير شئ  
اخذت منه المنديل ومسحت دموعها ثم سمعته يقول بحنو  
" انتى فاكرة ان اللى قولتيه ده ممكن يغير حاجة ! "

اخذ نفسا عميقا وتابع قائلا

" كارما أنا بحبك واى حاجه حصلتلك زمان مش هتغير ذرة واحدة من حبي ليكى ، إلا لو انتى قولتى بلسانك ان مش عيزانى ساعتها انا همشي وعمرى ما هضايقك تانى "  
اخذ صدرها يعلو ويهبط نتيجة لدقات قلبها العالية ، حاولت تنظيم انفاسها المتلاحقة ثم اخذت ابتسامتها فى الاتساع لتقول بسعادة

" متمشيش يا مهاب "

بادلها تلك الابتسامة الحنونة ثم تابع قائلا

" أنا جاى أعزمك على حفلة افتتاح الفرع التانى لشركتى اللى فى القاهرة بعد بكرة "  
قالت بحماس

" بجد خلاص اجراءات الشركة خلصت "

" الظاهر كده ان وشك حلو عليا "

ابتسمت بخجل ثم تابع مهاب قائلا

" ها هتيجى ولا "

قالت سريعا بسعادة

" هاجى طبعا... "

\*\*\*

" ممكن بقى تفتح الزفت ده وتنزلنى ادينى قولتلك اللى عايز تعرفه "

بعد قليل من الوقت لم يبدي إيادى ردة فعل ، أدار السيارة فجأة وانطلق بها لتشهق نرجس بصدمة وتقول

" يخربيتك انت رايح فين انت خاطفنى ولا ايه ، لا اسمع والله اكسر الازاز ده واصوت والم

عليك امه لا إله إلا الله انتى متعرفنيش انا مجنونة "

رد ببرود " عارف "

نظرت له بدهشه ورفعت حاجبها وقالت

" انت ازاي بارد كده بجد "

لم يرد عليها مما أثار حنقها فاخذت تثرثر طوال الطريق قاصدة أستفزازه لكنه لم يتفوه بكلمه

صف السيارة اسفل البناية التى تسكن بها برفقه كارما ثم قال بنبرة باردة

" أطلعى لى هدومك عشان رايحين القاهرة "

فغرت فمها فى دهشة وقالت

" نعم أنت بتقول ايه قاهرة ايه اللي هروحها ومعاك انت "

سحبت حقيبتها بغيظ وترجلت من السيارة لتصعد بيتها ولكن اوقفها صوت إيد البارد قائلا

" اه صحيح انتي طالعه دلوقتي وناوية تنشيطي بس تخيلي كده بنت قاعده لوحدها ويشوفوا شاب طالعلها فكرك كده ممكن يقولوا ايه ؟ "

اتسعت عينيها بصدمه وقالت

" انت اكيد مجنون اياك حتى بس تفكر تعتب باب الحوش "

نظر في ساعته وقال

" معاكى عشر دقائق وتكون هنا بشنطتك "

قالت بحنق " أنت بتحلم "

ابتسم باستفزاز وقال

" بقوا تسعة ، انا بقول انزل من العربية واستعد انى اطلع فوق "

رجعت للخلف بذعر عندما ادركت جديته ثم قالت

" لا لا خلاص حاضر طالعه " ...

بعد مرور عشرة دقائق نزلت نرجس بعد ان اعدت حقيبتها التي اخذها منها إيد ليضعها في المقعد الخلفى للسيارة ، بينما ركبت نرجس جانبه وهي تقول

" ممكن افهم احنا رايعين القاهرة ليه "

لم يجاوبها ايد فتابعت بغيظ

" طب اديني موبايلى اكلم كارما واعرفها عشان متقلقش عليا "

اجابها بجدية " متقلقيش هي عارفه انك معايا ، مهاب عازمها على حفله افتتاح الشركة بعد بكرة يعنى على بكرة بالكثير كارما هتكون فى القاهرة "

ردت عليه بغضب

" طب ولازمته ايه الاكشن ده كله ما كنت سافرت مع كارما "

ابتسم ابتسامة عابثة ثم قال بكل اريحية

" أصل أنا هتجوزك قبل الحفلة " ....

(٩)

وضعت تلك الصينية التي تحتوى على كأسين من العصير على الطاولة ثم جلست بجانب زوجها وهي تتبادل معه نظرات التساؤل والحيرة ، رفع كنفه بتلقائية دلالة على عدم علمه بشئ محم إيد ثم مال على أذن والده وقال بهمس

" ايه يا بابا مش ناوى تتكلم ولا ايه الناس هيناموا مننا " تتنح والده وتحدث وهو يشعر بالأحراج من تصرفات أبنه الهوجاء وقال " أنا جاى انهارده وبشرفى يا أستاذ نادر انى اطلب ايد الأنسة نرجس أختك لإياد ابنى " انهدهش نادر من طلبه فمن هذا و لما لم تعرفه نرجس بشئ ، هم ان يبدي اعتراضه ولكن قاطعتها شيماء زوجته سريعا وقالت بابتسامه مجاملة " اهه احنا نتشرف بيكوا طبعاً بس تسمحولى بس دقيقة انا ونادر " نظر اياد لوالده باستفهام فرفع كتفيه فى حيرة ثم رد قائلاً " اه طبعاً اتفضلوا "

بداخل غرفة نادر صاح قائلاً " انتى ازاي تتكلمى كده وبعدين سببى انا لازم ادخل افهم من نرجس ايه الحكاية ، وانا اقول هى جت من الغردقة على هنا ليه وكل ما اسأل وائل عنها ميدينش عقاد نافع" اجلسته شيماء بحده وقالت " متبقاش غبى الفرصه جت لحد عندنا ، تقدر تقولى نرجس هتقعد عن صاحبته قد ايه ؟ مهما قعدت فمصير صاحبته تشوف حياتها وتتجوز وكده هترجع تعيش معنا من تانى اسمع منى الواد ده شكله بيحبها جوزها بقى وخلينا نخلص " شرد نادر فى حديث زوجته ووجد انها على حق ، فخرج متوجها لغرفة نرجس ليسألها عن رأيها وتفاجأ بموافقته عليه ، خرج لهم مرة اخرى فنهض إياد من مكانه وقد لمح نرجس وهى تقف خلف الستار تراقب من بعيد تتنح نادر وقال " أنا اخدت رأيها وهى موافقه " قال والد إياد بفرح " على خيرة الله نقرأ الفاتحة" اوقفهم إياد سريعا وهو يقول بابتسامه " أقرؤا الفاتحه عشان انا جايب المأذون معايا بالمره ، اتفضل يا شيخنا " اتسعت عيني والده وقال باندهاش " اقسام بالله انت فى حاجه فى دماغك " ضحكوا جميعهم ونظر إياد لنرجس ثم غمز لها لتغلق الستار وتبتسم بسعاده وتشعر بذلك الشعور الجميل لأول مرة ...

\*\*\*

فى قاعة كبيرة من قاعات ذلك الفندق الكبير حيث تراصت تلك الطاولات المغطاه بأغطية بيضاء حريرية ويلتف حولها مقاعد مدهبة ، يتوسطها مزهريات تحتوى على الورد الجورى الأحمر ، أقيم ذلك الحفل الرائع بمناسبة أفتتاح الفرع الثانى لشركة مهاب . وصل مهاب برفقة كارما للحفل وأخذ يسلم على المدعويين ويتقبل مباركاتهم ، ثم أخذ يتحدث مع بعض رجال الأعمال فى أمور تتعلق بالعمل الى ان استأذن منهم ثم توجهه لكارما وهو يقول بابتسامه

" ايه رأيك فى الحفلة " نظرت حولها ثم قالت بابتسامه " لطيفة ، القاعة كمان حلوة جدا "

نظر لها بحب قائلاً  
" أخترت ورد الجورى الاحمر بالتحديد عشانك "  
ابتسمت بخجل وقالت  
" أخذت بالى .."

بالخارج صف إياد سيارته ثم هبط منها ليلف حولها ويفتح الباب ثم يلتقط يد نرجس التى هبطت  
منها مرتدية ذلك الفستان الطويل أزرق اللون والمرصع بتلك الفصوص اللامعه مع ذلك الحجاب  
الأبيض والذي اضاف مظهرا جميلا لها.  
ترجلت من السيارة وهى تنتظر بابتسامه لإياد والذي قال  
" اتفضلى يا زوجتى العزيزة "

ضحكت نرجس ثم تأبطت ذراعه وهمت ان تمشي لكنها تعرقلت فى طرف الفستان وكادت ان  
تسقطت فسحبت يد إياد معاها والذي تمالك كلى لا يسقط كلاهما ، صاح بألم  
" اه يا ضهرى يا بنتى كنتى هتوقعينى والبدلة هتبهدل انا مش عارف ايه الستارة اللى انتى  
لابساها دى "

ردت عليه بغیظ  
" دلوقتى بقت ستارة مش كان عاجبك وعينك بتطلع قلوب لما شوقته انتوا كده لازم تسدوا نفسنا  
او عى كده "

دفعته برفق ثم لملمت ذيل فستانها بيدها وتوجهت نحو القاعه ، قال إياد بضحك وهو يركض خلفها  
ليلحقها  
" استنى يا عم حسنين واخذ ديلك فى سنانك ورايح فىن .."

كانت اجواء الحفل هادئه ورائعه ، كانت كارما سعيدة وهى تشارك مهاب نجاحه ، وفجأه رأته  
وهو يصعد على تلك المنصه استعداد لان يلقي كلمة على الحضور  
لقى مهاب نظرة على إياد ليشير له الأخير بيده ان كل شئ على ما يرام ليبتسم مهاب ويبدأ حديثه  
" طبعا أنا بشكر كل اللى لى دعوتى وشرفنى انهارده عشان يحتفل معايا بالانجاز اللى انا عملته ،  
وكم ان حابب أشكر إياد صاحبى واخويا وشريكى على مجهوده اللى لولا ربنا ثم هو مكانتش  
الشركة كبرت ونجحت"  
على تصفيق الحضور ثم نظر مهاب لكارما وقال بابتسامه  
" وحابب أشكر الأنسانه اللى دخلت حياتى وغيرتها وخلت ليها طعم تانى ، وادنتى دافع انى اقدر  
انجح "

ثم مد يده طالبا من كارما الاقتراب وصعود المنصه ، تعجبت كارما ونظرت لنرجس لتجدها تقول  
لها بحماس  
" بلا روى"

صعدت كارما المنصه ليلتفت لها مهاب بعد ان اخرج تلك الغلابة الصغيرة من يده ويقول  
" تقبلنى تكلمى معايا الباقي من عمرك يا كارما"  
اندهشت كارما ولمعت عينيها بدموع الفرح ثم التقت نظرة على نرجس اللى كانت تنتظر لها  
بسعاده وحماس واخذت تؤمى لها برأسها تحثها على الموافقه .  
ابتسمت كارما وهى تشعر ان قلبها يرفرف من السعادة ثم قالت بفرحة حقيقة  
" موافقة يا مهاب "

لتأخذ ذلك الخاتم وتضعه باصبعها لتسمع تصفيق الحضور وهم ينظروا لهم بإبتسامه متمنين له  
حياة مليئة بالحب والسعادة ...

\*\*\*

ارتمت كارما على فراشها بسعادة وهي تهاتف نرجس قائلة  
" انا حقيقي مش مصدقة نفسي يا نرجس حاسة انى بحلم معقولة كل السعادة اللي انا فيها دي  
حاسة انى ابتديت اخاف"  
ضحكت نرجس وردت عليها قائلة  
" افرحى يا بومة ، كنت متأكده ان ربنا هيعوضك عشان انتى تستاهلى الفرحة يا كارما"  
اعتدلت جالسها وهي تقول بمزاح  
" احنا لازم نشكر دكتور عرفة على اقتراحه ده مين يصدق ان انا دلوقتى هو هو نفس الشخص  
من ٣ شهور "  
ضحكت نرجس وقالت بمزاح  
" هو بصراحه لازم نشكره عشان ودانا سناجل رجعنا مرتبطين "  
ضحكت كارما بشدة ثم اخذت تتحدث مع نرجس وتسال عن احوالها ثم انتقلوا للحديث عن  
ترتيبات عقد قران كارما الذى سوف يتم آخر الاسبوع .  
بعد ان انتهت كارما من الحديث مع نرجس نظرت جانبها لترى دمية حلا ، امسكت بها ونظرت  
لها بابتسامه هادئة وقالت  
" لسه فاكرة اخر مرة مسكتك فيها وانا مسافرة كنت حاسة انى سايبه حته من قلبى ، كنت فاكرة  
انى هفضل ضعيفة على طول يا حلا وحابسة نفسي فى الماضى ، بس شوفي الحمد لله انا بقيت  
احسن كثير يا حبيبتى ، واه اوعى تعلقى ماما عمرها ما هتتساكى هتفضلى فى قلبى دايمًا ربنا  
يرحمك يا حبيبتى انتى وحاتم "  
ثم عانقت الدمية وكأنها تستمدت منها حزن ابنتها الدافئ وتسطحت على السرير مغمضة جفونها  
وذاهبه فى نوم عميق ...

أحببتك وكأنك الوحيد في العالم ، وقتلتني وكأنك لا ترى من الأعداء غيري .

في تلك القاعة المفتوحة والتي تتميز بالبساطة والتي أضفت عليها المساحة الخضراء لمسحة ساحرة ، أستعد الجميع لعقد قران و زفاف كارما و مهاب الذي كان لا تسعه الدنيا من فرط سعادته ، فاليوم أخيرا سيجتمع بمن دق لها فؤاده وسكنت بجانبها روحه .

" ماشاء الله يا كوكى طالعه زى القمر "

قالتها نرجس بسعادة حقيقة تظهر من عينيها

ردت عليها كارما بإبتسامه

" انتى اللى طالعة زى القمر "

ثم تنهدت بسعادة قائلة

" انا مش عارفة أشكرك أزاى يا نرجس على كل اللى عملتبه معايا انتى حقيقى أختى مش

صاحبتى بس "

قالت نرجس بعتاب مزيف

" بس يا بت انتى وانا عملت ايه ما بلاش بقى الكلام اللى يخلينا نعيط ونبوظ الميك اب ده"

ضحكوا سويا و عندها سمعوا دقات على باب الغرفة تبعها دخول إباد وهو يقول بحماس

" ايه يا عروسة خلاص ولا ايه العريس هيموت من الحماس برا حني عليه "

التقطت نرجس هاتفها من على الطاولة وقالت

" خلاص يا أخويا خلصنا انتوا هتقعدها تصدعونا كل شوية ، تعالي يا عم العريس المستعجل "...

\*\*\*

هبطت كارما ذلك السلم المزين بالورود وهى متأبطه ذراع مُهاب وتبتسم بسعاده ، أقتربوا من طاولة عقد القران حيث أجلسها مهاب على يمين المأذون ثم توسط المكان بينهما ، وفى الجهة المقابلة كان يجلس خال كارما الذى يعيش بالخارج وقد أتى لعقد القران ومن ثم الرجوع مرة أخرى .

اعطت نرجس لكارما بطاقتها الشخصية بينما أخرج مُهاب بطاقته هو الآخر ، ليبدأ المأذون بمراسم العقد ، لكن لسوء الحظ أندفع طفل من الأطفال ليرى عن قرب مما تسبب فى سقوط كوب المياه على الأوراق ، حيث صاح الناس بذعر وبما فيهم كارما قال المأذون مطمئنا

" حصل خير يا بنتى أنا مجهز نسخه تانية احتياطى ، هدأوا من روعكم "

انبسط وجه كارما وشعرت بالراحة ومن ثم التقطت البطاقتين لتجففهم ولكن أثناء ذلك دفعها

الفضول لترى بطاقة مُهاب لحين تجهيز المأذون للنسخة الأخرى من الأوراق .

ألقت عليها نظرة عن كثب لتجفل فجأة وتتسع عيناها بصدمة ، تجمدت كارما فى مكانها ولم تشعر

بأى شخص حولها بل شعرت أن الدنيا توقفت فى تلك اللحظة ، أنتشلها من فوهه صدمتها

وذكرياتها نرجس وهى تهزها قائلة

" كارما انتى معانا يلا أمضى على الورق "

مازالت تحت تأثير الصدمة لدرجة أن نرجس قلقت من سكونها وعدم ردها ، لتنتصب واقفة فجأة

مما أثار ريبة الحضور ، نهض مهاب وهو ينظر لها بحيرة واستفهام ، نظرت له نظرة تتجمع بها الدموع ثم لم تشعر بنفسها الا وهى تخلع حذاءها بمكانه وتفر راكضة وسط ذهول جميع الحضور

..

\*\*\*

منذ عام ونصف ..

وقفت كارما تأخذ عزاء النساء بسكون يشبه سكون الموتى ، تشعر أن كل ما يحدث حولها ما هو إلا حلم ولكنها لا تستيقظ منه ابداً .  
بعد إنصراف الجميع هوت على ذلك المقعد بينما جلست نرجس بجانبها تواسيها وتربت على كتفها وتذكرها أن ذلك قضاء الله وما عليها إلا الصبر على قضاءه .  
دقائق وطلب ذلك الضابط أخذ أقوال كارما ، أجابته بضعف وحسرة بعد أن سألها عن ما حدث " اليوم ده كان اول يوم مدرسة لبنتى وكان رايح يوصلها ، مفيش ساعه لقيت اللي بيتصل بيا وبيقولي انهم عملوا حادثة وماتوا"  
ثم انفجرت فى بكاء مريير ، حاولت نرجس تهدئتها ولكنها فشلت ولكن أسترسل الضابط حديثه قائلاً

" حضرتك شاكة فى حد يكون مديرهاله او كان ليه اعداء "  
هزت رأسها بالنفي ولم تستطيع الحديث أكثر ، وبعد ذلك اليوم بأسبوع واحد دخلت كارما مستشفى للطب النفسي بعدما أثرت عليها صدمة وفاه زوجها و أبنيتها .  
وفى يوم بعد الحادث بأسبوعان زارتها نرجس كعادتها لتطمئن عليها وتعلمها بالجديد فى القضية .  
دلفت نرجس عليها بحزن و سلمت عليها وعانقتها ثم تنهدت وقالت  
" انا مش عارفه اقولك ايه بس الحادثة طلعت بالغلط ، البوليس راجع الكاميرات اللي على الطريق ولقوا ان صاحب العربية اللي خبطهم كان طالع من شارع جانبى بسرعة ومكانش واخذ باله منهم و...."

قطعت نرجس كلامها بحزن حين لاحظت تشنج وجهه كارما وانهمار دموعها فتابعته قائلة  
" بعد كده قدروا يوصلوا للعربية عن طريق أرقام اللوحة اللي كانت ظاهرة "  
انتبهت لها كارما واستمعت بتركز ولكن تشنج وجهها مرة اخرى عندما سمعت نرجس تقول  
" للأسف هو هرب ومقدروش يوصلوه والقضية اتقيدت ضد مجهول ، معرفوش غير مكان سكنه فى المعادى وأسمه  
مهاب سراج المهدي عبد الله " ....

\*\*\*

جلست نرجس أمام كارما بعد ان وضعت صينية الطعام علي الطاولة ثم مدت يدها بالدواء وقالت  
" عشان خاطرني يا كارما كلي أى حاجة عشان تاخدي الدواء انتى بقالك اسبوع على الحالة اللي انتى فيها دي "  
نظرت لها بأعين حزينة دامعة  
" مش قادرة أصدق يا نرجس لسه مش قادرة أستوعب أن الإنسان اللي حبيته وقولت ده عوض ربنا ليا يطلع هو اللي أخذ منى بنتى "  
تنهدت نرجس بحزن على صديقتها التي أنهت سعادتها قبل أن تبدأ ، أقتربت منها وقالت وهى

تقبض على يدها بلطف  
" أسمعيني يا كارما أنتى اكيد بنتقى فيا صح ، مهاب بيحبك انتى مشوفتيش حالته عاملة ازاي هيتجنن ويسمع صوتك حتى ، إياد أقسم لي انه كان بالغلط ومهاف مكانش قاصد " أجابت بغضب  
" ولما هو مش قاصد مسلمش نفسه ليه ، ليه هرب ضيعهم وضيع حياتى وهرب"  
أخذت نرجس نفسها وقالت  
" هرب عشان أمه يا كارما ، أمه الله يرحمها كانت مريضة قلب وكانت محتاجة عملية والفترة دى ساعتها كان هو تايهه بيحاول يجمع فلوسها ويومها مكانش مركز وفقد السيطرة على العربية غصب عنه "  
وقفت كارما وقالت بنبرة حازمة غير قابلة للنقاش  
" نرجس لو سمحتى أمشى عايزة أفضل لوحدى"  
تنهدت نرجس وتركت الدواء على الكومود ثم انسحبت لخارج الغرفة بهدوء .  
نهض إياد والذى كان فى أنتظارها بالخارج وهو يسأل متلهفا  
" ها أتكلمتى معاها وعرفتيها "  
أومأت نرجس بأحباط ففهم ما حدث وقال  
" لسه رافضة ترجله صح "  
أومأت للمرة الثانية دون أن تتحدث فربت إياد على كتفها وحاوطها بيديه وهو يقول بحنو  
" متقلقيش يا حبيبتى الوقت كفييل يصلح كل حاجة "....

\*\*\*

طرقات عالية ومتتابعة على الباب أجفلت كارما التى كانت تجلس أمام التلفاز تقلب قنواته بملل ، فتحته لترى نرجس وعلامات الفزع عليها وقالت  
" ألحقى يا كارما مهاف سلم نفسه للشرطة"  
صدمت مما سمعته ووجدت نرجس تضع بيدها ظرفا ورقيا قائلة  
" سابلك ده إياد لقيه فى شفته لما راح يطمن عليه انهارده وملقهوش راح يلحقه وانا جيت أقولك على طول الحقيه يا كارما "  
بعد صمت دام لعهه ثوانى ألقت كارما الظرف على الطاولة بلامبالاه وقالت بنبرة حاولت جعلها ثابتة  
" يستاهل ده اللى كان مفروض يحصل من زمان "  
اتسعت عيني نرجس وقالت  
" أنتى أكيد بتهزرى بقولك مهاف ...."  
قاطعتها كارما بحدة وهى تصيح  
" مش عايزة أسمع أسمه تانى واتفضلنى من هنا"  
انسحبت نرجس بخيبة أمل وغضب لتغلق الباب خلفها بشدة .  
تقدمت كارما ببطى وأمسكت الجواب بيد مرتعشة والدموع بدأت تشق طريقها على وجنتيها ، فتحته ثم بدأت بقراءة ما فيه

( كارما يا أول وأخر حب فى حياتى ، عرفتك من مدة صغيرة بس صدقيني مش بالسنين ، حسيت معاكى بكل حاجة كنت مفتقدها فى حياتى ، غيرتيها وغيرتيني أنا كمان ، أنا سلمت نفسي عشانك يا كارما راضى أنى أخذ جزاءى ولا أنى أشوف الحزن ده فى عيونك بسببى ، أنا عايز أقولك

أنى هفضل أحبك وهتفضلي جوا قلبى لحد آخر العمر ، بس للأسف الحب ده أتحكم عليه أنه يفضل خلف قضبان قلبى ).

\*\*\*

بعد مرور عام ...

فُتحت البوابة الحديدية الكبيرة للسجون وخرج منها مُهاب وهو يضع يده على وجهه ليعتاد على إضاءه الشمس ، كان يظهر عليه الشحوب ونقصان الوزن ولكن لا يهमे فاهو يري نور الحرية من جديد .

" حمدلله على سلامتك يا صاحبي "

قالها إياد بصوت متحشرج من السعادة وهو يعانقة بقوة ، بينما قالت نرجس التى كانت تقف بجانب إياد بإبتسامه

" حمد لله على السلامة يا مهاب "

إبتسم مهاب قائلاً

" الله يسلمكوا يا أخواتى مش عارف من غيركوا ومن غير زيارتكوا ليا طول السنه دى كنت عملت ايه "

ضحك إياد وقال مازحاً

" وكنت بجبالك عيش وحلاوة كمان عد الجمائل بقى "

ضحك مهاب من قلبه ، وسار معهم نحو السيارة ليوصله إياد لمنزله ، لكنه فجأه تجمد مكانه مصوباً بصره فى إتجاه ما وقال بدهشة

" كارما ! "

كانت تقف على بُعد خطوات قليلة منه وعينيها تلتمعان بالدموع ، أقترب منها سريعاً وقال بصوت مهزوز فرح

" وحشتيني أوى يا كارما ، أرجوكي سامحيني أنا عارف انى سرقت منك سعادتك مرتين بس عشان ان قلبك الكبير يسامحنى "

طال صمتها تتأمل ملامحه التى أشتاقت لها كثيراً ولكن رغباً عنها لم تستطيع مواجهته طوال ذلك العام الذى تم حبسه فيه ، كانت دائماً طوال ذلك للعام تأتى لنفس ذلك المكان تتأمل فى تلك البوابة الحديدية الكبيرة وتتحدث معه وكأنه مائل أمامها ثم عندما ينهكها البكاء تسحب نفسها عائده لتلك المشفى النفسى من جديد ، فقد قررت تلك المرة أن تتعافى تماماً ، لأجله ! .

فاقت مش شرودها وابتسمت قائلة من بين دموعها

" وأنت كمان وحشتني أوى يا مُهاب ، سامحنى "

أبتسم بسعادة حقيقية وقال

" تقبلي نبداً سوا حياه جديدة يا نصى التانى ؟ "

كان إياد ونرجس يراقبونهم وأعينهم تلتمع بالسعادة لأجلهم ، سمعوا كارما تجاوبه بفرحة

" أقبلي يا عوض ربنا ليا "

سحبها مهاب من يدها وركضوا نحو السيارة وهو يقول بجنون جعل كارما تفهقه عالياً

" طب حيث كده بينا على المأذون بقى "....

تمت بحمد الله....

